

13 октября 2013 года. Неделя 16 по Пятидесятнице. Глас 7.
Святителя Михайла, первого митрополита Киевского.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 7:

Ирмос: **Манием Твоим/ на земный образ преложися/ прежде удобообразливáемое/
водное естество, Господи./ Темже немóкренно пешешествовав Израиль,//
поёт Тебе песнь победную.**

Припев: **Слава, Господи, святому Воскресению Твоему.**

Тропарь: **Осуди́ся смёртное мучи́тельство древом,/ непра́ведною смёртию осужд́ену
Ти, Господи:/ отню́дуже князь тьмы Тебе не одолéв,// пра́ведно изгнán бысть.**

Припев: **Слава, Господи, святому Воскресению Твоему.**

Тропарь: **Ад Тебе прибли́жися,/ и зубы́ не возмо́г стёрти т́ело Твоё,/ челюстьми́ со-
круши́ся./ Отню́дуже Спа́се, болéзни разру́ш смёртныя,// воскрéсл еси́
триднёвен.**

Припев: **Пресвятáя Богорóдице, спаси́ нас.**

Богорóдичен: **Разреши́шася болéзни прамáтере Ёвы:/ болéзни бо избежáвше, неискусо-
мужно родилá еси́.// Отню́дуже я́ве Богорóдицу, Пречи́стая, вéдуще Тя, вси
сла́вим.**

КАНОН КРЕТОВОСКРЕСНЫЙ, ГЛАС 7:

Припев: **Слава, Господи, Кресту Твоему Честному и Воскресению.**

Тропарь: **Два истóчника нам на крестé источи́ Спас живонóсная/ от Своего́ пробо-
дénнаго ребра́.// Поим Емú: я́ко просла́вился.**

Припев: **Слава, Господи, Кресту Твоему Честному и Воскресению.**

Тропарь: **Во гроб всели́вся, и воскрéс триднёвен,/ нетл́ение подаде́, ча́яние Христóс
смёртным.// Поим Емú: я́ко просла́вился.**

КАНОН БОГОРОДИЦЫ ВОСКРЕСНЫЙ, ГЛАС 7:

Припев: **Пресвятáя Богорóдице, спаси́ нас.**

Тропарь: **Бéздну рóждшая благоутрóбия, Дéво,/ дúшу мою́ озари́ светонóсным Твоим
сия́нием,// я́ко да достóйно воспою́ твои́х чудéс бéздну.**

Припев: **Пресвятáя Богорóдице, спаси́ нас.**

Тропарь: **Стрелóю грехóвною уязвлены́ нас Сло́во ви́дев,/ я́ко Благодéтель ущéдри:/
отню́дуже несказáнно соедини́ся, Всечи́стая, плóтию,// íже из Тебе́ Пребо-
жéственный.**

КАНОН СЯТИТЕЛЯ МИХАИЛА, ГЛАС 6:

Припев: **Святителю отче Михайле, моли Бога о нас.**

Тропарь: **Яко Божий иерарх и служитель,/ Вышняго Престола с лики святых на Небеси предстои,/ молися о нас, служащих богодухновенными песнями,// предстати с тобою, идеже веселие праведных.**

Припев: **Святителю отче Михайле, моли Бога о нас.**

Тропарь: **Яко избран Господеви во служение славы Его на дело Евангелия Христова,/ о собранных нас в памяти твоей, святителю Михайле, молися,// да поработаем в заповедех Евангельских и примем мзду веселия преподобных.**

Слава Отцу, и Сыну, и Святому Духу.

Тропарь: **Яко свеща, на свещнице стоящи,/ светом ты благих деяний просиял еси да-
лече,/ яко и невернии людие твоим, отче, наставлением узреша свет богови-
дения,// и радуется страна, тобою просвещенна.**

И ныне и присно и во веки веков, аминь.

Богородичен: **Яко Истинный Свет от ложесн Своих явившая миру,/ нас, во тьме страстей
ходящих, просвети и настави на путь,// Путь порождающая роду христианскому,
Марие Богоневесто.**

КАТАВАСИЯ, ГЛАС 4:

**Отверзу уста моя,/ и наполнятся Духа,/ и слово отрыгну Царице
Матери,/ и явлюся, светло торжествуя,// и воспою, радуясь, Тоя чудеса.**

ПЕСНЬ 3:

КАНОН ВОСКРЕСНЫЙ, ГЛАС 7:

Ирмос: **В начале Небес/ всецельным Словом Твоим утвердей Господи Спасе,/ и
Вседетельным и Божиим Духом,/ всю силу их,/ на недвижимем мя камени//
исповедания Твоего утверди.**

Припев: **Слава, Господи, святому Воскресению Твоему.**

Тропарь: **Ты возшед на древо,/ о нас болезнуеши волею, благоутробне Спасе,/ и терпиши
язву, примирения ходатайственну, и спасения верным:// еюже Твоему,
Милостиве, вси примиримся Родителю.**

Припев: **Слава, Господи, святому Воскресению Твоему.**

Тропарь: **Ты мя очисти от язвы,/ душею язвленнаго змиевым угрызением, Христэ,/ и
показал еси свет, во тьме древле мне слежащу и во тлении:// крестом бо во ад
сошед, мене совоскресил еси.**

Припев: **Пресвятая Богородице, спаси нас.**

Богородичен: **Неискусомужная Твоея Матере мольбами/ мир миру подаждь, Спасе,// и
несказанная Твоея славы славословящая Тя сподоби.**

КАНОН КРЕТОВОСКРЕСНЫЙ, ГЛАС 7:

Припев: **Слава, Господи, Кресту Твоему Честному и Воскресению.**

Тропарь: **И**же на кресте страсти претерпёвый,/ и разбойнику рай отворзый, яко благодетель и Бог, // утверди мой ум в волю Твою, едине Человеколюбче.

Припев: **Слава, Господи, Кресту Твоему Честному и Воскресению.**

Тропарь: **В**оскресый тридневен из гроба,/ и живот миру возсиявый, яко жизнедавец и Бог, // утверди мой ум в волю Твою, едине Человеколюбче.

Канон Богородицы воскресный, глас 7:

Припев: **Пресвятая Богородице, спаси нас.**

Тропарь: **З**мий поползый из Едема,/ мене обожения желанием прельстив, верже в землю:/ но Иже милостив, и естеством благоутробен, ущедрив богосодела, // во чрево Твое вселься, и подобен мне быв, Мати Дево.

Припев: **Пресвятая Богородице, спаси нас.**

Тропарь: **Б**лагословен плод Твоего чрева, Дево Богородице, всех радости,/ радость бо всему миру родила еси, и веселие воистинну // разгоняющее печаль греховную, Богоневесто.

Канон святителя Михаила, глас 6:

Припев: **Святителю отче Михаиле, моли Бога о нас.**

Тропарь: **Н**е бе вера насаждена в России, ни благочестие вкоренено,/ дондеже ты, святителю Михаиле, аки премудр делатель, // лядину¹ многобожия истребив, углубил еси богоразумия твердое исповедание.

Припев: **Святителю отче Михаиле, моли Бога о нас.**

Тропарь: **С**ветом свыше освещся, великий Владимир,/ аки зарю прием ты, Божий иерарше, приведи в омраченную идолослужением Русскую землю, // да и тамо осветятся людие твоим пришествием и вразумятся твердые веры исповеданием.

Слава Отцу, и Сыну, и Святому Духу.

Тропарь: **С**олнце Правды, Христос Бог, аки лучу светозарную яви ты, Михаиле, земли Русстей,/ юже ты освещ порождением купельных бани, // Владыце привел еси люди новы, обновлены благия веры исповеданием.

И ныне и присно и во веки веков, аминь.

Богородичен: **С**олнце Правды, Истинный Бог наш, Плоть заимствовав от Тебе,/ миру возсиял еси, Марие Дево, и тля многобожия погиби до конца./ Светом, Дево Марие, унынием мя омраченного, просвети и настави на путь благодеяния.

Катавасия, глас 4:

Твоя песнословцы, Богородице,/ Живый и Независтный Источник,/ лик себе совокупльшия, духовно утверди,/ в Божественней Твоей славе // венцев славы сподоби.

¹ *Лядина = невозделанное место, покрытое кустарником и травой.*

ЕКТЕНИЯ МЛАЯ.

КОНДАК СЯТИТЕЛЯ МИХАЙЛА, ГЛАС 2:

Моисей второй России явился еси, отче,/ пренесый мысленный виноград/
от египетскаго идолослужения в землю, пророчеством предвидену:/ будет,
рече, утверждение веры на земли,/ и на версах гор Киевских превознесется
паче ливана/ Плод, питаый мира всего,/ от Негоже вкушивше, // убожаем тя,
Михаиле, Божий иерарше.

Икос:

Расточенныя люди собрав во един боговидения разум/ и Крещением омыв
невидения ветхость,/ землю Русскую просветил еси Крестом/ и, научив
славити Пресвятую Троицу, Отца и Сына и Духа Пресвятаго,/ сотворил еси ра-
зумное стадо Христу Богу,/ Емуже до днесь верою стоящи, взывает:/ избави от
всякаго злаго обстояния град и люди, // тя убожающия, Михаиле, Божий
иерарше.

СЕДАЛЕН СЯТИТЕЛЯ МИХАЙЛА, ГЛАС 8:

Сечивом Евангельскаго учения посекл еси идольское изваяние, капища на
землю опроверг,/ и благочестие насадил еси,/ имже красуюйся, град Киев лю-
бовию зовет ти: // радуйся, Михаиле, архиерею России первопрестольне.
(Дважды)

**Слава Отцу и Сыну и Святому Духу и ныне и присно и во веки веков.
Аминь.**

БОГОРОДИЧЕН ИЗ МИНЕИ, ГЛАС 8:

Поющих Ти: радуйся, избавльшая варварскаго служения, изми работы чуж-
даго/ и сокруши в мыслех идолострастие, насади богоразумие страха Божия, //
Ты бо еси всему благу вина, начаток и исполнение.

ПЕСНЬ 4:

КАНОН ВОСКРЕСНЫЙ, ГЛАС 7:

**Ирмос: Отча недра не оставль,/ и сошед на землю, Христе Боже,/ тайну услышах
смотрения Твоего, // и прославих Тя, Единое Человеколюбче.**

Припев: Слава, Господи, святому Воскресению Твоему.

**Тропарь: Своя плещи дав, иже от Девы воплощся, на раны, рабу прегрешившу,/ биен
бывает Владыка повинен, // разрешая моя согрешения.**

Припев: Слава, Господи, святому Воскресению Твоему.

**Тропарь: Предстояв судищу судий законопреступных,/ яко осудимый повинен бывает,
и зашается брэнною рукою, // создавый человека яко Бог, и судый праведно
земли.**

Припев: Пресвятая Богородице, спаси нас.

Богородичен: Яко воистинну Мати Божия, Творца Твоего и Сына моли, // к спасительному направити мя пристанищу, Всенепорочная, славнаго Его хотения.

Канон Крестовоскресный, глас 7:

Припев: Слава, Господи, Кресту Твоему Честному и Воскресению.

Тропарь: Не ведый греха, и его ради быв Господи, еже не был еси воображаешися, / прием чуждее, да спасеши мир, // и убиеша прельстив мучителя.

Припев: Слава, Господи, Кресту Твоему Честному и Воскресению.

Тропарь: На кресте воздвиген был еси, / и праотца Адама разрешил еси грех / [егоже ради Твою услышах силу:] // яко вся спасти помазанныя Твоя пришел еси.

Канон Богородицы воскресный, глас 7:

Припев: Пресвятая Богородице, спаси нас.

Тропарь: Избранная вся и добрая, / явльшися Богу прежде создания светлостию, Всепетая, // светолитием Твоим поющия Тя просвети.

Припев: Пресвятая Богородице, спаси нас.

Тропарь: Бога человеком родила еси, Чистая, / воплощенна от чистых кровей Твоих, / избавляюща согрешений многих, // любовьию славыщия и почитающия Тя, Мати Деву.

Канон святителя Михайла, глас 6:

Припев: Святителю отче Михайле, моли Бога о нас.

Тропарь: Христова раба и благочестна строителя / тебе, святителю, идола ощутивше, рыдаху горце погубели своей, / людие же, Крещением обновлени, веселяхуся, // праздник светел о Господе празднующе.

Припев: Святителю отче Михайле, моли Бога о нас.

Тропарь: Тебе, отче, на горы Киевския пришедшу, / первейший идол Перун, низвержен, влачашеся коньми, прочим от страха трясущимся кумиром, / людие же обновления день пояху, // о Господе празднующе.

Слава Отцу, и Сыну, и Святому Духу.

Тропарь: Всяк пол и возраст людей, прежде омраченных, ко просвещению грядяху на Почайню / и бысть полк безчисленный, тебе предводителя имый, // емуже послужив банею Крещения, ко богоразумию наставил еси, Михайле, Божий архiereю.

И ныне и присно и во веки веков, аминь.

Богородичен: Все роды блажат Тя, Марие Царице, / и мы, песньми блажаще, изображенному на иконе лику Твоему поклоняемся, // праздник светел в памяти святителя Твоего празднующе.

Катавасия, глас 4:

Седя́й в Сла́ве/ на Престо́ле Божества́/ во о́блаце лёгце,/ при́иди Иису́с Пребоже́ственный,/ Нетле́нною Дла́нию/ и спасе́ зову́щия:// сла́ва, Христе́, си́ле Твоёй.

ПЕСНЬ 5:

КАНО́Н ВОСКРЕ́СНЫЙ, ГЛАС 7:

Ирмо́с: **Но́щь не светла́ неве́рным Христе́,/ ве́рным же просвеще́ние в сла́дости словес Твои́х./ Сего́ ра́ди к Тебе́ у́тренюю, // и воспева́ю Твоё Божество́.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **За Тво́я раба́ы продае́шися, Христе́,/ и по лани́те ударе́ние терпи́ши,/ свобо́де ходата́йственно пою́щим:// к Тебе́ у́тренюю, и воспева́ю Твоё Божество́.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Божество́нную Твоею́ си́лою, Христе́,/ немо́щию плотско́ю крёпкаго низложил еси́, // и победи́теля мя сме́рти, Спа́се, воскресе́нием показа́л еси́.**

Припев: **Пресвята́я Богоро́дице, спаси́ нас.**

Богоро́дичен: **Бо́га родила́ еси́ Ма́ти чи́стая,/ воплоще́ннаго из Тебе́ боголе́пно, всепета́я:/ поне́же не позна́ла еси́ му́жеска по́ла, // но от Свята́го ражда́еши Ду́ха.**

КАНО́Н КРЕСТОВОСКРЕ́СНЫЙ, ГЛАС 7:

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропа́рь: **Егда́ со беззако́нными вме́нився, возне́слся еси́ на лобне́м,/ свети́ла сокрыва́хуся, и земля́ колеба́шеся, и церко́вная све́тлость раздра́ся, // евре́йское явля́ющи отпаде́ние.**

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропа́рь: **Тебе́ разруши́вшего мучи́телю всю си́лу/ крёпостию непости́жимаго Твоего́ Божества́, // и ме́ртвья Твои́м воскресе́нием воздви́гшаго пе́сньми сла́вим.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: **Пресвята́я Богоро́дице, спаси́ нас.**

Тропа́рь: **Ле́ствицу узре́в Иа́ков, к высоте́ утвержде́ну,/ о́бразу научи́ся, неискусобра́чная Тебе́:// Тобо́ю бо Бог челове́ком приобщи́ся, Всечи́стая Влады́чице.**

Припев: **Пресвята́я Богоро́дице, спаси́ нас.**

Тропа́рь: **Избавле́ние ве́чное Тобо́ю, Де́во, ны́не обрётше/ усер́дно зове́м Ти: е́же ра́дуйся, Богоневе́стная:// и Твои́м све́том возра́довавшеся, Всепета́я, пе́сньми Тя поём.**

КАНО́Н СВЯТИ́ТЕЛЯ МИХАЙЛА, ГЛАС 6:

Припев: **Святи́телю о́тче Миха́йле, моли́ Бо́га о нас.**

Тропа́рь: **Бо́жиим Све́том освеще́шеся,/ новокреще́ннии лю́дие вопия́ху с тобо́ю, Миха́йле:/ Христе́ Бо́же, даждь Тебе́ Еди́наго ве́дети, Сло́ва Бо́жия, // от мра́ка идо-**

лобѣсія нас изымáющаго.

Припев: **Святѣтелю ѡтче Михайле, моли́ Бѡга о нас.**

Тропарь: **Падѡша Иерихѡнскія стѣны, Исусом Навѣном кивѡту обнесѣну,/ падѡша и ѣдоли, со крестѡм тебѣ, иерáрше, предгрядúщу,/ лю́дие же прославля́ху Слово Бѡжїе, Тя, Христѣ, // от мрáка невѣрїя челоуѣки изымáющаго.**

Слáва Отцú, и Сýну, и Святѡму Дúху.

Тропарь: **Красúется град Кїев до днесь, бáнею Крещѣния омовѣн от тебѣ, святѣтелю,/ и нѡсит, áки грѣвну злáту, на вѣи честнѡе Евáнгелие Христѡво,/ ёже мы лобызáем и прославля́ем Слово Бѡжїя, // от тьмы грехѡвныя нас изымáюща.**

И нýне и прїсно и во вѣки векѡв, амїнь.

Богорѡдичен: **Красúемся вси Твоѣю добрѡтою, Марїе Богоневѣсто, краснá бо есї войстинну,/ и, красотѣ Твоѣй вожделѣв, Вѣшний плѡти Твоѣй соединїся и Челоуѣк бысть Бог, // обожїв нас, во тлю пáдших, Тебѣ рáди, Чїстая Дѣво.**

КАТАВÁСИЯ, ГЛАС 4:

Ужасѡшася вся́ческая/ о Божѣственной слáве Твоѣй:/ Ты бо, Неискусобрáчная Дѣво,/ имѣла есї во утрѡбе над все́ми Бѡга/ и родилá есї Безлѣтнаго Сýна,/ всем воспевáющим Тя // мир подавáюща.

ПЕСНЬ 6:

КАНО́Н ВОСКРѢСНЫЙ, ГЛАС 7:

Ирмос: **Плавающаго в молвѣ житѣйских попечѣний,/ с кораблѣм потопля́ема грехї,/ и душетлѣнному звѣрю приметáема,/ я́ко Иѡна, Христѣ, вопїю Ти: // из смертно́сных глубинý возведї мя.**

Припев: **Слáва, Гѡсподи, святѡму Воскресѣнию Твоемú.**

Тропарь: **Воспомина́ху Тя заключѣнныя во áде дúши, и остáвльшїяся прáведных,/ и от Тебѣ спасѣния моля́хуся:/ ёже крестѡм, Христѣ, пѡдал есї преиспѡдним, // прїшѣд я́ко благоутрѡбен.**

Припев: **Слáва, Гѡсподи, святѡму Воскресѣнию Твоемú.**

Тропарь: **Ко одушевлѣнному Твоемú и нерукотворѣнному храму,/ разрушѣну бѣвшу страданьми,/ возрѣти пáки лик апѡстольскїй отчáяся:/ но пáче надѣжды поклѡнься, // воскресша повсúду проповѣда.**

Припев: **Пресвятáя Богорѡдице, спасї нас.**

Богорѡдичен: **Неизрѣченнаго рождествá Твоегѡ всенепорѡчнаго ѡбраз,/ Дѣво богоневѣстная, їже нас рáди,/ кто от челоуѣк сказáти возмѡжет?/ Я́ко Бог неопїсанне, Слово соединївся Тебѣ, // плоть из Тебѣ бысть.**

КАНО́Н КРЕСТОВОСКРѢСНЫЙ, ГЛАС 7:

Припев: **Сла́ва, Го́споди, Кресту Твоему́ Честно́му и Воскресе́нию.**

Тропа́рь: **На кресте́ возне́ся, Спа́се во́лею,/ вра́жью плени́л еси́ держа́ву,// на сем пригвозди́в грехо́вное, Бла́же, рукописа́ние.**

Припев: **Сла́ва, Го́споди, Кресту Твоему́ Честно́му и Воскресе́нию.**

Тропа́рь: **Из ме́ртвых воскресе́ Спа́се вла́стию,/ совоздвигл еси́ челове́ческий род,// жи-вот и нетле́ние дарова́вый нам, я́ко Человеколюбец.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: **Пресвята́я Богоро́дице, спаси́ нас.**

Тропа́рь: **Зако́ннии Тя о́бразы, и проро́ческая прорече́ния я́ве предвозвеща́ху,/ хотя́щую роди́ти благоде́теля, Чи́стая, всея́ тва́ри,/ многоча́стне и многообра́зне благоде́йствовавшего// ве́рно воспева́ющих Тя.**

Припев: **Пресвята́я Богоро́дице, спаси́ нас.**

Тропа́рь: **Устра́ншагося дре́вле наве́том човекоуби́йцы, Ада́ма первозда́ннаго/ райския́ божество́нныя сла́дости,/ Неискусобра́чная, па́ки возвелá еси́,// ро́ждши́ иже от преступле́ния нас изба́вившаго.**

КАНО́Н СЯТИ́ТЕЛЯ МИХАЙЛА, ГЛАС 6:

Припев: **Сяти́телю о́тче Миха́йле, моли́ Бо́га о нас.**

Тропа́рь: **Идо́лобесия́ смра́дное, а́ки Моисе́й, жезло́м Крестным пресе́кл еси́ мо́ре, архиере́ю Миха́йле,/ и лю́ди, омыв́ боговиде́ния водо́ю, привел еси́ во приста́нице, пою́щих:// сла́ва Тебе́, Христе́ Многоми́лостиве.**

Припев: **Сяти́телю о́тче Миха́йле, моли́ Бо́га о нас.**

Тропа́рь: **И́же пе́рвее заблуждша́я Ру́сская земля́ и не утвержде́на,/ ны́не тобо́ю, иерáрше Миха́йле, наста́влена, при́де к боговиде́нию,/ и, прие́мши пе́рстень усыновле́ния, веселит́ся, зову́щи:// сла́ва Тебе́, Христе́ мой, Многоми́лостиве.**

Сла́ва Отцу́, и Сы́ну, и Свято́му Ду́ху.

Тропа́рь: **Свире́пеющия́ неведе́ем лю́ди украти́в в Ру́сстей земли́/ и яре́м Це́ркви по-винове́ния возложи́в на ня,/ привел еси́, Миха́йле, мно́гия де́латели в виногра́д Небе́снаго Влады́ки.// Сотвори́ и нас, свя́те, му́дрыя де́латели, я́ко прине́сим ти дне́сь хвале́ние.**

И ны́не и при́сно и во ве́ки веко́в, ами́нь.

Богоро́дичен: **Свире́пеющия́ во мне стра́сти украти́/ и яре́м смире́ния возложи́ на мя, Бого-ро́дице,// да в том порабо́таю проче́е вре́мя и обря́щу ми́лость в День Су́дный.**

КАТАВА́СИЯ, ГЛАС 4:

Божество́нное си́е и всечестно́е/ соверша́юще пра́зднество,/ Бого-му́дри, Богома́тере,/ прииди́те, рука́ми воспле́щим,// от Нея́ ро́ждшагося Бо́га сла́вим.

ЕКТЕНИ́Я МА́ЛАЯ...

КОНДА́К ВОСКРЕ́СНЫЙ, ГЛАС 7:

Не ктому́ держа́ва сме́ртная/ возмо́жет держа́ти челове́ки:/ Христо́с бо
снїде, сокруша́я и разоря́я си́лы ея́./ Связу́ем быва́ет ад,/ проро́цы согласно
ра́дуются:/ предста́, глаго́люще, Спас су́щим в ве́ре, // изыди́те, ве́рнии, в вос-
кресе́ние.

ИКОС:

Вострепета́ша до́ле преиспо́дняя днесь,/ ад и смерть Еди́наго от Трѳицы:/
земля́ поколеба́ся, вратни́цы же а́довы ви́девши Тя, ужасо́шася:/ вся же тварь со
проро́ки ра́дующися поёт Тебе́ побѳдную песнь,/ избавителю́ Бо́гу на́шему,/
разруши́вшему ны́не сме́ртную си́лу./ Да воскликнем и возопи́м ко Ада́му, и к
су́щим из Ада́ма:/ дре́во сегѳ па́ки введе́. // Изыди́те, ве́рнии, в воскресе́ние.

ПЕСНЬ 7:

КАНО́Н ВОСКРЕ́СНЫЙ, ГЛАС 7:

Ирмо́с: Пещь ѳтроцы огнепа́лну/ дре́вле росоточа́шу показаша,/ Еди́наго Бо́га
воспева́юще и глаго́люще:/ превозноси́мый отце́в Бог // и препросла́влен.

Припев: Сла́ва, Го́споди, свято́му Воскресе́нию Твоему́.

Тропа́рь: Дре́вом умерщвля́ется Ада́м, волею преслуша́ние содела́в:/ послуша́нием же
Христо́вым па́ки обновля́емь е́сть. // Мене́ бо ра́ди распина́ется Сын Бо́жий,
препросла́вленный.

Припев: Сла́ва, Го́споди, свято́му Воскресе́нию Твоему́.

Тропа́рь: Тебе́ воскресе́шаго, Христе́, из грѳба, тварь вся воспѳ:/ Ты бо жизнь су́щим во
а́де процвѳ еси́,/ ме́ртвым воскресе́ние, // иже во тьме, свет препрос-
ла́вленный.

Припев: Пресвята́я Богоро́дице, спаси́ нас.

Богоро́дичен: Ра́дуйся, Дщи Ада́ма тле́ннаго./ Ра́дуйся, еди́на Богоневѳсто./ Ра́дуйся, е́уже
тля изгна́на бысть, я́же Бо́га ро́ждши: // Егѳже моли́, Чи́стая, спасти́ся всем нам.

КАНО́Н КРЕСТОВОСКРЕ́СНЫЙ, ГЛАС 7:

Припев: Сла́ва, Го́споди, Кресту́ Твоему́ Честно́му и Воскресе́нию.

Тропа́рь: И́же на дре́ве крѳтнем грехѳвное жа́ло притупи́в,/ и Ада́мова преступле́ния
рукописа́ние разруши́в копи́ем ребра́ Твоегѳ, // благословѳ еси́, Го́споди Бо́же
оте́ц на́ших.

Припев: Сла́ва, Го́споди, Кресту́ Твоему́ Честно́му и Воскресе́нию.

Тропа́рь: И́же в ребро́ прободѳн быв,/ и кроплѳньми крѳве божѳственны́я зе́млю
очи́стив,/ кровью́ идо́лобѳсия оскверне́нную, // благословѳ еси́, Го́споди Бо́же
оте́ц на́ших.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: Пресвята́я Богоро́дице, спаси́ нас.

Тропа́рь: Преиспещре́ну, позлаще́ну у́тварь Тя иму́щу/ возлюби́ Созда́тель Твой, Де́во,

и Господь:// превозносимый отцев Бог и препрославлен.

Припев: Пресвятая Богородице, спаси нас.

Тропарь: Очищается, Отроковице, уголь древле Исаия прием:/ знаменательне Твое рождество видев,// превозносимаго отцев Бога, и препрославлена

Канон святителя Михайла, глас 6:

Припев: Святителю отче Михайле, моли Бога о нас.

Тропарь: Хладодательною благодати от тебе, святителю, Россия омовена водою,/ чешую разумных очес низверже во святей купели,/ и позна Единого Создателя своего, и верою зовет:/ благословен Бог отец наших.

Припев: Святителю отче Михайле, моли Бога о нас.

Тропарь: Тебе, граде Киеве, по Крещении всееляшуся, сквернии идоли рыдаху,/ от нихже первейшим идол Перун влачимь, вопияше горце./ Оттуда людие, познавше свое первое заблуждение, с тобою, Михайле, возопиша:// благословен Бог отец наших.

Слава Отцу, и Сыну, и Святому Духу.

Тропарь: Злат перстень новья благодати, архиерею Михайле, вложив России на руку,/ обручил еси невесту чисту Христови, яже от язык Церковь./ Сия и до днесь, духовне веселящися, зовет:// благословен Бог отец наших.

И ныне и присно и во веки веков, аминь.

Богородичен: Злат перстень именует Тя, Дево Чистая,/ украшен, аки драгоценным адамантиом, приединением Плоти Христовы./ Тем любовью зовем:// благословенна Ты едина, Сын Твой и Бог отец наших.

Катавасия, глас 4:

Не послужиша твари Богомудрии/ паче Создавшего,/ но, огненное прещение мужески поправше,/ радовахуся, поюще:// препетый отцев Господь и Бог, благословен еси.

Песнь 8:

Канон воскресный, глас 7:

Ирмос: Неопальная огню в Синаи причащшаяся/ Купина, Бога яви медленозычному и гугнивому Моисею,/ и отроки ревность Божия/ три непреборимая во огни певцы показа:/ вся дела Господня Господа пойте,// и превозносите во вся веки.

Припев: Слава, Господи, святому Воскресению Твоему.

Тропарь: Пречистый Агнец словесный за мир заклан быв,/ престави яже по закону приносимая,/ очистив себя кроме прегрешений яко Бог, присно зовуща:// вся дела Господня, Господа пойте, и превозносите во вся веки.

Припев: **Сла́ва, Го́споди, свято́му Воскресе́нию Твоему́.**

Тропа́рь: **Нетле́нна не су́щи прэ́жде стра́сти,/ восприя́тая от Созда́теля плоть на́ша,/ по стра́сти и воскресе́нии неприкоснове́нна тле́нию устро́ися,/ и сме́ртныя обновля́ет, зову́щия:/ вся дела́ Госпо́дня Го́спода по́йте,// и превозно́сите во вся ве́ки.**

Припев: **Пресвята́я Богоро́дице, спаси́ нас.**

Богоро́дичен: **Твое́ чистотное и всенепоро́чное, Де́во,/ скве́рное и ме́рзское вселе́нныя очисти,/ и была́ еси́ на́шего примире́ния к Бо́гу вина́, Пречи́стая:/ те́мже Тя, Де́во, вся дела́ благослови́м,// и превозно́сим во вся ве́ки.**

КАНО́Н КРЕСТОВОСКРЕ́СНЫЙ, ГЛАС 7:

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропа́рь: **Претерпе́вшего стра́сти волею,/ и на кресте́ пригвожде́на хоте́нием,/ и разру́шаго си́лы а́довы,// по́йте священни́цы, лю́дие превозно́сите во вся ве́ки.**

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропа́рь: **Упразднё́вшего сме́рти держа́ву,/ и от гроба́ воскресе́шаго со сла́вою,/ и спа́сшаго челове́ческий род,// по́йте священни́цы, лю́дие превозно́сите во вся ве́ки.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: **Пресвята́я Богоро́дице, спаси́ нас.**

Тропа́рь: **Све́том рожде́ства Твоего́,/ странноле́пно вселе́ннующую просвети́ла еси́, Богороди́тельнице,/ су́ща бо вои́стинну Бо́га на объ́ятиях но́сиши Твои́х,/ просвеща́ющая ве́рныя при́сно зову́щия:/ вся дела́ Госпо́дня Го́спода по́йте,// и превозно́сите во вся ве́ки.**

Припев: **Пресвята́я Богоро́дице, спаси́ нас.**

Тропа́рь: **Поём, Чи́стая, благоче́стно Твое́ чре́во,/ Бо́га вме́стившее несказáнно воплоща́ема,/ да́вшего всем ве́рным богоразу́мия просвеще́ние, при́сно зову́щим:/ вся дела́ Госпо́дня Го́спода по́йте,// и превозно́сите во вся ве́ки.**

КАНО́Н СВЯТИ́ТЕЛЯ МИХАИ́ЛА, ГЛАС 6:

Припев: **Святи́телю о́тче Михаи́ле, моли́ Бо́га о нас.**

Тропа́рь: **Из пла́мене идо́льския ле́сти изъём, премудре, Ру́сскую зе́млю,/ россо́ю Креще́ния прохладил еси́, и несть уже́ пали́ма развраще́нием на пе́рвая,// превозно́сящи Христа́ и тебе́, па́стыря своего́, во ве́ки.**

Припев: **Святи́телю о́тче Михаи́ле, моли́ Бо́га о нас.**

Тропа́рь: **Вся до́бре разчини́в, яже о лю́дех новоизбра́нных, поста́вил еси́ па́стыри и учи́тели по гра́дех/ и, тем новоизбра́нное ста́до испоручи́в,// сам отше́л еси́ па́стырей Нача́льнику Христу́ Бо́гу соца́рствовати во ве́ки.**

Благослови́м Отца́, и Сы́на, и Свята́го Ду́ха, Го́спода.

Тропарь: **Мног** плачь и рыдание граду Кіеву твоим, отче, отшествием к Бóгу сотворися, / но Вѣшний Иерусалим, приемь тя в недра своя, возрадовася, // идеже живый, не забуди стада твоего и моли, да с тобою вселится во веки.

И ныне и присно и во веки веков, аминь.

Богородичен: **Многое** веселие творю злыми делы бесом и радость, / хранителю же моему печаль отсюду. О Чистая Маріе, Мати Христа Бóга, настави мя на покаяние, // да будет онем плач, Ангелу же моему радость и мне с ним во веки.

КАТАВАСІЯ, ГЛАС 4:

Хвалим, благословим, поклоняемся Господеви, поюще и превозносяще во вся веки.

Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, // и превозносите Его во вся веки.

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ...

ПЕСНЬ 9:

КАНОН ВОСКРЕСНЫЙ, ГЛАС 7:

Ирмос: **Нетления** искушением рождающая, / и всехитрецу Слово плоть взаимодействующая, / Мати неискусомужная Дево Богородице, / Приятелище Нестерпимаго, / Село Невместимаго Зиждителя Твоего, // Тя величаем.

Припев: **Слава, Господи, святому Воскресению Твоему.**

Тропарь: **Иже** божеству страсть прилагающей, / зауститесь вси чуждеудреннии: / Господа бо славы плотию распята, / не распята же естеством божественным, // яко во двою естеству Единого величаем.

Припев: **Слава, Господи, святому Воскресению Твоему.**

Тропарь: **Иже** телесем востанию неверующии, / ко Христову шедше гробу, научитесь: / яко умерщвлена бысть, и воскресе паки плоть Жизнодавца, // во уверение последнего воскресения, на неже уповаем.

Припев: **Пресвятая Троице, Боже наш, слава Тебе.**

Троицен: **Не** божеств Троицу, но Ипостасей, / ниже единицу Лиц, но Божества чтуще, / ссецаем же Сию делящих: // сливаем же паки, сливание дерзающих на Сию, Юже величаем.

КАНОН КРЕТОВОСКРЕСНЫЙ, ГЛАС 7:

Припев: **Слава, Господи, Кресту Твоему Честному и Воскресению.**

Тропарь: **Свет** от Света, Отчее сияние славы безлётно осиявый, / якоже во тьме челоуическому житию Христос возсия, / и гонящую прогна тьму: // егоже непре-

ста́нно ве́рнии велича́ем.

Припев: **Сла́ва, Го́споди, Кресту Твоему́ Честно́му и Воскресе́нию.**

Тропа́рь: Стра́сти плотскія, и кре́пость божества́, во Христе́ ви́дяще,/ му́дрствующи
еди́но сло́жное естество́, да посра́мятся:/ той бо́ яко́ человекъ у́бо умира́ет,//
якоже́ всего́ Содо́тель воста́ет.

КАНО́Н БОГОРО́ДИЦЫ ВОСКРЕ́СНЫЙ, ГЛАС 7:

Припев: **Пресвята́я Богоро́дице, спаси́ нас.**

Тропа́рь: Ра́дости нам вечныя ходатаица и веселия явилася еси́/ Присноде́во Отроко-
вице, Избавителя рождши,/ истиною и Ду́хом божественным Того́ чтущих,//
яко́ Бо́га избавляющаго.

Припев: **Пресвята́я Богоро́дице, спаси́ нас.**

Тропа́рь: По́я Дави́д, Твой пра́отец, Пречи́стая, Тя/ ковче́г имену́ет Святы́ни бо-
же́ственныя,/ прее́стестве́нне Бо́га вме́стившую,/ во Оте́ческих Седя́щаго не́дрех,//
Его́же непреста́нно ве́рнии велича́ем.

КАНО́Н СЯТИ́ТЕЛЯ МИХАЙЛА, ГЛАС 6:

Припев: **Ся́ти́телю о́тче Миха́йле, моли́ Бо́га о нас.**

Тропа́рь: Я́ко фи́никс процвёл еси́, о́тче, в до́му́ Божи́и,/ и пло́ды, нетле́ние моще́й
твои́х, всем яви́л еси́,/ отсю́ду у́бо, лю́дие, уразуме́вше, яко́ предсто́иши Хри-
сту́,// ты пе́сньми велича́ем.

Припев: **Ся́ти́телю о́тче Миха́йле, моли́ Бо́га о нас.**

Тропа́рь: Я́ко благово́нный кипари́с, ся́ти́телю,/ обла́гоухаеши и наслажда́еши по-
кланя́ющихся ти,/ и нас испо́лни благоуха́ния твои́х моли́тв,// яко́ пе́сньми
па́мять твою́ велича́ем.

Сла́ва Отцу́, и Сы́ну, и Свято́му Ду́ху.

Тропа́рь: Ли́к ся́ти́телей Ру́сских и любопра́зднственны́х собо́ри, взыва́ем:/ со́те-
ца́йтеся ко святе́й пеще́ре, па́стырие, первонача́льнаго па́стыря,/ лю́дие же, отца́
своего́ пе́сньми почта́йте с на́ми,// днесь бо́ па́мять его́ велича́ем.

И ны́не и при́сно и во ве́ки веко́в, ами́нь.

Богоро́дичен: **Вся тварь песносло́вит Тя, Де́во,/ яко́ проше́дшую вся Небе́сная врата́ и
ста́вшую огнезра́чнаго одесну́ю Престо́ла./ Одесну́ю ста́ти и нас сподо́би Сы́на
Твоего́,// яко́ пе́сньми, Ро́ждшагося из Тебе́ и Тя велича́ем.**

КАТАВА́СИЯ, ГЛАС 4:

**Всяк земно́родный/ да взыгра́ется, Ду́хом просвеща́емь,/ да торже-
ству́ет же Безплотных умо́в естество́,/ почита́ющее́ свяще́нное торже́ство
Богома́тере,/ и да вопи́ет:/ ра́дуйся, Всеблаже́нная,// Богоро́дице, Чи́стая
Присноде́во.**

ЕКТЕНИ́Я МА́ЛАЯ...

ЕКСАПОСТИЛАРИЙ ВОСКРЕСНЫЙ ПЯТЫЙ:

Живот и путь, Христос воста из мертвых,/ Клеопе и Луце спутешествова,/ имаже и познася во Еммаусе, преломляя хлеб:/ еюже души и сердца горяща бяху,/ егда тема глаголаше на пути,/ и писания сказоваше, яже претерпел./ С нимаже, воста, зовем, // явися же и Петрови.

Слава Отцу и Сыну и Святому Духу.

СВЕТИЛЕН СЯТИТЕЛЯ МИХАИЛА:

Царевни всех предстоиши, святителю Михайле,/ и благословением венчается верх твой от Вышняго десницы./ Прости руку твою и благослови нас, якоже некоему на пресвитерство восходящу,/ не умерл бо еси, но во веки живещи,/ и память твою песнями поет вся Русская Церковь, // с неюже и мы славим.

И ныне и присно и во веки веков. Аминь.

БОГОРОДИЧЕН ВОСКРЕСНОГО ЕКСАПОСТИЛАРИЯ:

Пою безчисленную Твою милость, Творче мой,/ яко Себе истощил еси,/ понести и спасти человеческое естество озлобленное:/ и Бог сый, избавил еси, от чистыя Богоотроковицы,/ по мне быти, и снити даже до ада, хотя ми спастися, // молитвами Родшия Тя, Владыко Всещедрый.